

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA

Broj:02-02-7-1071/15  
Sarajevo, 30.7.2015. godine

**Z A P I S N I K**  
**4. VANREDNE SJEDNICE DOMA NARODA PARLAMENTA FEDERACIJE**  
**BOSNE I HERCEGOVINE od 30.7.2015. godine**

Sjednica je počela u 11.37.

Sjednici je predsjedavala Lidija Bradara, predsjedavajuća Doma naroda Parlamenta Federacije BiH.

Predsjedavajuća je pozdravila delegate, predstavnike Saveza samostalnih sindikata Ismeta Bajramovića, Sinana Husića i Selvedina Šatrovića, predstavnika Udruženja poslodavaca Čengića, premijera Federacije BiH Fadila Novalića i ministre, kao i predstavnike akreditiranih medijskih kuća i međunarodne zajednice.

Izostanak sa sjednice je najavio delegat Sejo Bukva.

Na osnovu evidencije Stručne službe, predsjedavajuća je konstatovala da sjednici prisustvuje 49 delegata, što čini većinu, pa Dom naroda može raditi i punovažno odlučivati.

Predsjedavajuća je obavijestila delegate da je Vlada Federacije dostavila Prijedlog Zakona o izmjeni Zakona o poštanskom prometu Federacije BiH, Prijedlog Zakona o izmjenama Zakona o pomilovanju i Prijedlog Zakona o stranim ulaganjima s prijedlogom da se razmatraju po hitnom postupku.

Potom je predsjedavajuća pozvala delegate Doma naroda da se na osnovu člana 188. Poslovnika o radu Doma naroda izjasne o postupku po kojem će se razmatrati navedeni zakoni.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 30 glasova za i uz 12 glasova protiv, prihvatio da se Prijedlog Zakona o izmjeni Zakona o poštanskom prometu Federacije BiH razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH većinom glasova (29 glasova za i 16 glasova protiv) prihvatio prijedlog da se Prijedlog Zakona o izmjenama Zakona o pomilovanju razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH većinom glasova (30 glasova za, 11 glasova protiv i četiri uzdržana glasa) prihvatio prijedlog da se Prijedlog Zakona o izmjenama i dopunama Zakona o stranim ulaganjima razmatra po hitnom postupku.

Nakon toga predsjedavajuća je otvorila raspravu o izmjenama i dopunama dnevnog reda u kojoj su učestvovali: Lejla Imamović, Slaviša Šućur, Jasenko Tufekčić, Aner Žuljević, Fuad Hadžimehmedović, Predrag Kojović, Draženka Subašić, ... i Vesna Saradžić.

Potom je predsjedavajuća, na prijedlog predsjednika Kluba delegata srpskog naroda, dala pauzu od 15 minuta.

Nakon pauze, nastavila se rasprava u kojoj su učestvovali: Slaviša Šućur, premijer Federacije Fadil Novalić i Aner Žuljević.

Zatim je predsjedavajuća stavila na glasanje prijedlog Kluba delegata srpskog naroda i Lejle Imamović da se sa dnevnog reda skine Prijedlog Zakona o radu.

Predsjedavajuća Doma naroda je, na osnovu rezultata glasanja, konstatovala da prijedlog da se Prijedlog Zakona o radu skine sa dnevnog reda nije dobio potrebnu većinu jer je za glasalo 18 delegata, osam delegata je bilo uzdržano a 21 delegat je bio protiv.

Budući da je Lejla Imamović izrazila sumnju u rezultate glasanja, sekretar Doma naroda Izmir Hadžić je, u skladu sa članom 113. Poslovnika o radu Doma naroda, obavio poimenično glasanje. Na osnovu rezultata poimeničnog izjašnjavanja, predsjedavajuća Doma naroda je konstatovala da prijedlog da se Prijedlog Zakona o radu skine sa dnevnog reda nije dobio potrebnu većinu jer je za glasalo 20 delegata, sedam delegata je bilo uzdržano a 20 delegata je bilo protiv.

Potom je predsjedavajuća pozvala delegate Doma naroda da se izjasne o predloženom dnevnom redu i konstatovala da je Dom naroda Parlamenta Federacije BiH, sa 30 glasova za, uz jedan uzdržani glas i uz 20 glasova protiv, usvojio predloženi dnevni red.

Aner Žuljević je izrazio sumnju u rezultate glasanja te je sekretar Doma naroda obavio poimenično izjašnjavanje.

Na osnovu rezultata poimeničnog izjašnjavanja, predsjedavajuća Doma naroda je konstatovala da je Dom naroda Parlamenta Federacije BiH, sa 30 glasova za, uz jedan uzdržani glas i uz 20 glasova protiv, usvojio sljedeći:

## **D N E V N I R E D**

1. Reformska agenda za Bosnu i Hercegovinu za period 2015. - 2018. godina,
2. Prijedlog Zakona o radu,
3. Prijedlog Programa rada Vlade Federacije za 2015. godinu,
4. Prijedlog Zakona o izmjeni Zakona o poštanskom prometu Federacije BiH - hitni postupak,
5. Prijedlog Zakona o izmjenama i dopunama Zakona o stranim ulaganjima - hitni postupak,
6. Prijedlog Zakona o izmjenama Zakona o pomilovanju - hitni postupak,
7. Nacrt Zakona o poljoprivrednoj organskoj proizvodnji,
8. Prijedlog Odluke o alokaciji obaveza po kreditu kuvajtskog fonda za razvoj 535 - Projekt četiri ceste i most Musala na Federaciju Bosne i Hercegovine, Informacija o statusu kredita Kuvajtskog fonda za razvoj 535 – Projekt četiri ceste i most Musala,
9. Izvještaj o dinamici projekta na Koridoru Vc broj 17 zaključno sa 30.6.2014. godine koji je dostavilo JP Autoceste Federacije BiH d.o.o. Mostar koji se finansira iz međunarodnih kredita EIB i EBRD.

Nakon što je dnevni red usvojen sjednicu Doma naroda su napustili delegati iz reda Socijaldemokratske partije, Saveza za bolju budućnost, Demokratske fronte i Naše stranke.

## **1. Reformska agenda za Bosnu i Hercegovinu za period 2015. - 2018. godina**

Vlada Federacije BiH je Parlamentu Federacije BiH radi informiranja dostavila Reformsku agenda za Bosnu i Hercegovinu za period 2015. - 2018. godina.

Reformsku agendu je obrazložio premijer Federacije Fadil Novalić.

Domu naroda se zatim kratko obratio predstavnik Saveza samostalnih sindikata Bosne i Hercegovine.

U raspravi su učestvovali: predsjednik Kluba delegata hrvatskog naroda Tomislav Martinović, predsjednik Kluba delegata bošnjačkog naroda Osman Ćatić i potpredsjedavajući Doma naroda Jasenko Tufekčić.

Na osnovu rezultata glasanja, predsjedavajuća Doma naroda je konstatovala da je Dom naroda Parlamenta Federacije BiH jednoglasno donio Odluku kojom je usvojio Informaciju o Reformskoj agendi za Bosnu i Hercegovinu za period 2015. - 2018. godina.

## **2. Prijedlog Zakona o radu**

Prijedlog Zakona o radu utvrdila je Vlada Federacije.

Premijer Federacije Fadil Novalić obrazložio je Prijedlog Zakona o radu.

Zatim se delegatima Doma naroda obratio predstavnik Udruženja poslodavaca Safudin Čengić.

U raspravi su učestvovali: predsjednik Kluba delegata hrvatskog naroda Tomislav Martinović, predsjednik Kluba delegata bošnjačkog naroda Osman Ćatić, Ivo Tadić, predstavnik Saveza samostalnih sindikata BiH Selvedin Šatorović i Jasenko Tufekčić.

Nakon rasprave, predsjedavajuća je dala pauzu kako bi se Vlada Federacije izjasnila o podnesenim amandmanima.

Poslije pauze, premijer Federacije obavijestio je Dom naroda da je Vlada Federacije utvrdila amandmane na Prijedlog Zakona o radu koji su postali sastavni dio Prijedloga Zakona.

Predsjedavajuća je pozvala delegate da se izjasne o Prijedlogu Zakona o radu.

Na osnovu rezultata glasanja, predsjedavajuća Doma naroda je konstatovala da je Dom naroda Parlamenta Federacije BiH, sa 29 glasova za i uz tri glasa protiv, usvojio Prijedlog Zakona o radu.

Pošto je Slaviša Mihajlović izrazio sumnju u rezultate glasanja sekretar Doma naroda je obavio poimenično izjašnjavanje.

Na osnovu rezultata poimeničnog izjašnjavanja, predsjedavajuća Doma naroda je konstatovala da je Dom naroda Parlamenta Federacije BiH, sa 28 glasova za i uz tri glasa protiv, usvojio Prijedlog Zakona o radu u tekstu kako ga je predložila Vlada Federacije BiH sa sljedećim amandmanima koje je Vlada Federacije utvrdila na sjednici Doma naroda, pa su postali sastavni dio Prijedloga Zakona:

### **Amandman I.**

U članu 23. u stavu 1. broj: „15“ zamjenjuje se brojem: „ 60“.

**Amandman II.**

U članu 38. u stavu 1. broj: „10“ zamjenjuje se brojem: „8“.

U članu 38. stav 3. se briše.

Dosadašnji st. 4., 5. i 6. postaju st. 3., 4. i 5.

**Amandman III.**

U članu 47. dodaje se stav 2. koji glasi:

„(2) Maloljetni zaposlenik ima pravo na godišnji odmor u trajanju od najmanje 24 radna dana.“

**Amandman IV.**

U članu 72. u stavu 4. broj: „2.“ se briše.

**Amandman V.**

U članu 160. u drugom redu iza riječi: „Federaciju“ piše se tačka a ostatak rečenice se briše.

**Amandman VI.**

U članu 161. u stavu 2. riječi: “izdati ovlaštenje - nalog“ zamjenjuju se riječima: „prenijeti ovlaštenje“.

**Amandman VII.**

U članu 171. tačka 53. se briše.

**Amandman VIII.**

Iza člana 171. dodaje se član 171a. koji glasi:

„Član 171a.

Novčanom kaznom u iznosu od 10.000,00 KM do 50.000,00 KM kaznit će se poslodavac koji ne isplati plaću u roku utvrđenom u članu 79. stav 1. ovog zakona sa svim pripadajućim doprinosima.“

**Amandman IX.**

U članu 181. u stavu 1. broj: „90“ zamjenjuje se brojem: „120“.

Tom prilikom Dom naroda je, sa 29 glasova za, usvojio sljedeći:

## Z A K L J U Č A K

Zadužuje se Vlada Federacije BiH da prati učinke primjene Zakona o radu, vodi i dalje socijalni dijalog i eventualna poboljšanja ovog zakona uputi u parlamentarnu proceduru u vidu izmjena i dopuna ovog zakona do kraja 2015. godine.

### 3. Prijedlog Programa rada Vlade Federacije za 2015. godinu

Prijedlog Programa rada Vlade Federacije za 2015. godinu utvrdila je Vlada Federacije i dostavila Parlamentu Federacije radi razmatranja.

Delegati Doma naroda Parlamenta Federacije BiH nisu zahtijevali da predsjednik Vlade Federacije BiH obrazloži Prijedlog Zakona.

U raspravi nije niko učestvovao.

Na osnovu rezultata glasanja, predsjedavajuća Doma naroda je konstatovala da je Dom naroda Parlamenta Federacije BiH, sa 29 glasova za i uz tri glasa protiv, usvojio Prijedlog programa rada Vlade Federacije za 2015. godinu.

#### **4. Prijedlog Zakona o izmjeni Zakona o poštanskom prometu Federacije BiH - hitni postupak**

Prijedlog Zakona o izmjeni Zakona o poštanskom prometu Federacije BiH utvrdila je Vlada Federacije. Predstavnički dom Parlamenta Federacije BiH je na 1. sjednici od 13.5.2015. godine usvojio Prijedlog Zakona o izmjeni Zakona o poštanskom prometu Federacije BiH u tekstu kako ga je predložila Vlada Federacije.

Delegati Doma naroda Parlamenta Federacije BiH nisu zahtijevali da predsjednik Vlade Federacije BiH obrazloži Prijedlog Zakona.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 29 glasova za, usvojio Prijedlog Zakona o izmjeni Zakona o poštanskom prometu Federacije BiH.

#### **5. Prijedlog Zakona o izmjenama i dopunama Zakona o stranim ulaganjima - hitni postupak**

Prijedlog Zakona o izmjenama i dopunama Zakona o stranim ulaganjima utvrdila je Vlada Federacije.

Prijedlog Zakona je obrazložio predstavnik Vlade Federacije.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 29 glasova za, usvojio Prijedlog Zakona o izmjenama i dopunama Zakona o stranim ulaganjima.

#### **6. Prijedlog Zakona o izmjenama Zakona o pomilovanju - hitni postupak**

Prijedlog Zakona o izmjenama Zakona o pomilovanju utvrdila je Vlada Federacije.

Delegati Doma naroda Parlamenta Federacije BiH nisu zahtijevali da predsjednik Vlade Federacije BiH obrazloži Prijedlog Zakona.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 29 glasova za, usvojio Prijedlog Zakona o izmjenama Zakona o pomilovanju.

## **7. Nacrt Zakona o poljoprivrednoj organskoj proizvodnji**

Nacrt Zakona o poljoprivrednoj organskoj proizvodnji utvrdila je Vlada Federacije. Delegati Doma naroda Parlamenta Federacije BiH nisu zahtijevali da predsjednik Vlade Federacije BiH obrazloži Nacrt Zakona.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 29 glasova za, usvojio sljedeći:

## **Z A K L J U Č A K**

1. Dom naroda Parlamenta Federacije BiH prihvaća Nacrt Zakona o poljoprivrednoj organskoj proizvodnji, te smatra da može poslužiti kao osnov za izradu prijedloga Zakona.
2. Zadužuje se Vlada Federacije da provede javnu raspravu u trajanju 60 dana i da prilikom izrade prijedloga Zakona ima u vidu sve sugestije, primjedbe i prijedloge iznesene u javnoj raspravi.

## **8. Prijedlog Odluke o alokaciji obaveza po kreditu kuvajtskog fonda za razvoj 535 - Projekt četiri ceste i most Musala na Federaciju BiH, Informacija o statusu kredita Kuvajtskog fonda za razvoj 535 – Projekt četiri ceste i most Musala**

Prijedlog Odluke utvrdila je Vlada Federacije.

Delegati Doma naroda Parlamenta Federacije BiH nisu zahtijevali da predsjednik Vlade Federacije BiH obrazloži Prijedlog Odluke.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 29 glasova za i uz jedan uzdržani glas, donio Odluku o alokaciji obaveza po kreditu kuvajtskog fonda za razvoj 535 - Projekt četiri ceste i most Musala na Federaciju Bosne i Hercegovine, Informacija o statusu kredita Kuvajtskog fonda za razvoj 535 – Projekt četiri ceste i most Musala.

**9. Izvještaj o dinamici projekta na Koridoru Vc broj 17 zaključno sa 30.6.2014. godine koji je dostavilo JP Autoceste Federacije BiH d.o.o. Mostar koji se finansira iz međunarodnih kredita EIB i EBRD**

Javno preduzeće Autoceste Federacije BiH d.o.o. Mostar dostavilo je Vladi Federacije Izvještaj o dinamici projekta na Koridoru Vc broj 17 zaključno sa 30.6.2014. godine koji je dostavilo Javno preduzeće Autoceste Federacije BiH d.o.o. Mostar koji se finansira iz međunarodnih kredita EIB i EBRD radi razmatranja.

Vlada Federacije je ovaj izvještaj dostavila Parlamentu Federacije.

Budući da predstavnik Javnog preduzeća Autoceste Federacije BiH d.o.o. Mostar nije prisustvovao sjednici predsjedavajuća je ovu tačku skinula sa dnevnog reda.

Sjednica je završena u 15.57.

\*\*\*

Transkript sjednice čine sastavni dio Zapisnika.

SEKRETAR

Izmir Hadžić

PREDSJEDAVAJUĆA

Lidija Bradara